



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

24

I ԳՐԱԿ



ԱԴԱ ՆԵԳՐԻ

ԲԱՆԱՍԵՆԾՈՒԹԻՒՆՆԵՐ

ԹԵՐԳՄ. Ե. ՅԵՆՈՐԵՆ

1903

Տպարան Մ. Մարտիրոսեանցի Պռ.Ղ. փ. տ. № 12.



85
G-45



31 MAY 2006

19 NOV 2010

85
G-45

ԱԳԱ ՆԵԳՐԻ

ԲԱՆԱՍՏԵՂԾՈՒԹԻՒՆՆԵՐ

Թարգմանեց

Յ. ՅԱԿՈԲԵԱՆ

Ա. ՊՐԱԿ

(Երկու աւտօիւղ պատկերով եւ կենսագրակամով)

Թ Ի Ֆ Լ Ի Ս

Արագ. տպար. Մն. Մարտիրոսեանցի. Պուշկինեան փ. տ. № 12.
1903

10 JUL 2013

8135

Բայց դու, մեղսոտ կեանքի դաւակ—հաճույքների սիրահար,
Չես աշխատել, ապրել ես դուր—կեանքը օտար քեզ համար.
Ինչ այնպէս էլ վայելալած ես, բողբոլանդիւր ստահակ,
Կորիւր անարգ... քեզ համար ես պահած ունեմ լոկ դղւանք...

Աղա Նեղրի. ինչ քանակ. «Աշխատե՛լ ես դու»:

Дозволено цензурою. Тифлисъ, 3 Сентября 1903 г.



2626-2004

10 JUL 2013

Дозволено цен





Ada regu Garlanda

ԲԱՆԱՍՏԵՂ ԾՈՒԹԻՒՆՆԵՐ



Ada regu Garbunda

ԲԱՆԱՍՏԵՂ ԾՈՒԹԻՒՆՆԵՐ

Ա Դ Ա Ն Ե Գ Ր Ի

(ՔՆՆԱԳԱՏԵԿՆ-ԿՆՆԱԳԱՏԵԿՆ ՏԵՍՈՒԹԻՒՆ)

«Աշխատե՛լ ես դու»—հարցնում է Ադա Նեգրին իրենով յափշտակած երիտասարդին իր հրաշալի բանաստեղծութիւններից մէկի մէջ, և երբ իմանում է, որ սիրահար երիտասարդը զուրկէ աշխատելու ընդունակութիւնից, իսկոյն վռնդում է իր մօտից, համարելով նրան անարժան իր ջերմ սիրոյ և փոխադարձ զգացմունքների: Այդ ոտանաւորի մէջ երևան է գալիս իտալուհի բանաստեղծուհու ամբողջ աշխարհայեացքը և ստեղծագործութեան հիմնական ոգին: Նրա սէրը երբէք չէ հակած դէպի այն հարուստ բուրժուայ դասակարգը, որի մեծամասնութիւնը միայն չոր-ցամաք եսական բարօրութեան մասին է մտածում, նրա սիրտը ամբողջովին պատկանում է աշխատող դասակարգին. և այդ սէրը շատ հեռու է կոպիտ, ստոր բնազդումների և թեթեամիտ անձնական կրքոտութեան արտայայտիչ լինելուց:

Ամեն ժամանակ և ամեն լուսաւորած երկիրներում երևան են եկել յայտնի բանաստեղծուհիներ, բայց չէ

եղել մինչ այսօր դեռ մի այնպիսի օրինակ, որ մի որևէ ջահիլ կին գրող հէնց իր առաջին երգը հնչելուց ճանաչելի հասարակութեան և մամուլի կողմից որպէս նշանաւոր բանաստեղծուհի իր հայրենիքի. և սակայն այդ բողբոջ վիճակում է Ադա Նեգրուն—մի ջահիլ իտալուհու, որը ծագումով հասարակ գիւղական դասակարգի դաւակ լինելով, կարիքի և վշտերի ուղեկցութեամբ հարթում է իր համար փառքի ուղին:

Ադա Նեգրին ծնւել է Լօդիում 1870 թ. փետրվարի 8-ին: Լինելով գործարանային բանուորի դուստր և դեռ մանուկ հասակում զրկւելով միակ աշխատող շքաւոր հօրից, նա մեծացաւ և ս'ղղընական դաստիարակութիւնը ստացաւ մօր ղեկավարութեամբ, որը ստիպւած էր նոյնպէս աշխատել մի բրդէ գործարանում, որով կարողանար և՛ ապրուստ հայթայթել և՛ կրթութիւն տալ իր միակ դաւակին: Խեղճ Ադան ամբողջ օրով սոված, մենակ նստած աղքատ խրճիթում, սպասում էր երեկոյեան մօր վերադարձին, որը պէտք է ուսուցէր բան բերէր իրեն համար: Տասնըջորս տարեկանից նա մտնում է Լօդիում իգական գըպըոց, ուր պատրաստում էին ժողովրդական և քաղաքային ուսումնարանների համար վարժուհիներ: 18 տարեկան նա արդէն ստանում է գիւղական վարժուհու պաշտօն Մօտտա-Վիսկօնտի կոչւած աւանում, որը շրջապատւած էր ճահիճներով և ճահճալի ազարտկիներով: Նախանձելի չէր և՛ այստեղ նրա կեանքը վարժուհու պաշտօնում. գտնւելով ամենասուղ նիւթական գրութեան մէջ նա ստիպւած էր ստացած 20 (իբրա *) ամսականով և ինքը ապրել և մօրը

*) Մի լիբան հաւասար է մօտ 50 կոպէկի:

ուղարկել ապրուստ, որը արդէն հիւանդ, ուժասպառ ընկած տանը, անկարող էր այլ ևս աշխատել:

Նւրբուրով վարժուհու վսեմ և ազնիւ կոչման պայծառ և մաքուր հաւատով բռնկւած ապագայ գաղափարական գործունէութեան տենչով, Ադա Նեգրին իր վարժուհութեան պաշտօնավարութեան ընթացքում ևս ենթարկեց անլուր հալածանքների, զրկանքների, բարոյական և հոգեկան շատ յուզմունքների: Այնպիսի մի նեխւած մթնոլորտում, որպէս Մօտտա-Վիսկօնտին էր վարժուհիների բողբոջ առհասարակ կապւած էր գիւղի մեծերի քրտնաճուրխից և դատաստանից. Վատթար բնակարան, աննախանձելի ոռճիկ ու լճարումներով, մշտական քուռ բամբասանք, լրտեսութիւններ, գուհիկ վերաբերմունք, անտեղի վիրաւորանք, հալածանք, մշտական երկիւղ պաշտօնով երկրի մի ծայրից միւս ծայրը փոխելու, երբեմն սովածութիւն—ահա իտալիայի վարժուհիների կեանքի ընդհանուր պատկերը, մի պատկեր, որը մեզ հայերիս նոյնպէս լաւ ծանօթ է ուսուցչական ասպարիզում գործողների վերաբերմամբ:

Քսաներեք տարեկան հասակում՝ այն է 1893 թ. Ադա Նեգրին լոյս է ընծայում իր բանաստեղծութիւնների առաջին ժողովածուն «Fatalita» (Փատալիտա—ձակատագիր) վերնագրով, որը թէ նիւթի նորութեան և թէ պատկերների թարմութեան կողմից միանգամայն ոչ միայն խտրացի գրագէտների, այլ և ամբողջ աշխարհի ուշադրութիւնն է գրաւում: Կարճ ժամանակամիջոցում այդ հեղինակին թարգմանում են դանազան լեզուներով և հաւ խօւլ հեռաւոր Մօտտա-Վիսկօնտիում ապրող աղքատ, մոռացւած վարժուհին դառնում է ոչ միայն գրականագետների այլև յայտնի կրիտիկոսների ուշադրութեան արժանի բանաստեղծուհի, որի ոչ միայն տաղանդով այլ և անձնաւո-

ընթեամբ նրանցից շատերը հետաքրքրւելով, շտապում են այցելելու նրան: Մօտտա-Վիսկօնտի այցելողը այդտեղ անպատճառ գտնում էր բանաստեղծուհուն մի աղքատ խրճիթում, ջարդած պատուհաններով, ուր ապակիներին փոխարինում էր թուղթը. մի փայտէ հառարակ սեղան, մի քանի ծղօտի կտորտած աթոռներ և մի փայտէ դարակ, որը ծառայում էր գրքերի պահարանի տեղ—ահա ամբողջ կարասիքը, որ ունէր բանաստեղծուհին: Այցելողին անմիջապէս պիմաւորում էր սաստիկ թխահեր, թուխ գէմքով, խելացի և մտորող աչքերով բանաստեղծուհին, որի նայւածքում աչքի է ընկնում այն տարօրինակ հրաշալի արտայայտութիւնը, որը յատուկ է բոլոր խորը մտածող, խորը զգացող և ուրեմն ուժեղ տանջող բնւորութիւններին: «Փատալիտան» լոյս տեսնելուց սակայն բաղբը սկսում է ժպտալ Ադա Նեգրուն. կիսաքաղց բանաստեղծ-վարժուհուն շուտով տեղափոխում են Միլան, առաջարկելով միաժամանակ բարձր իգական դպրոցում դասատուի (profesora) պաշտօն, որը ընդունում է անմիջապէս: Այնուհետև նրան նշանակում են տարեկան 2.000 լիրա թոշակ, մի գումար, որը յատկացրած էր աղքատ, բայց տաղանդաւոր բանաստեղծուհիներին, որպէս նպաստ, և որը նրանից առաջ ստանում էր նոր վախճանաւած կին գրող Ժանիննա Միլին:

1896 թ. Ադա Նեգրին լոյս է ընծայում իր բանաստեղծութիւնների երկրորդ ժողովածուն «Tempeste» (Տէմպէստէ=փոթորիկներ) վերնագրով: Փոթորիկը առհասարակ շատ հարազատ տարր է հանդիսանում երիտասարդ բանաստեղծուհու հոգեկան արտայայտութիւններին. իր առաջին ժողովածուի «Փատալիտայի» մէջ աչքի է ընկնում Ադա Նեգրու զխաւորապէս մի նշանաւոր գիծը՝ այն

է հաւատը գէպի յաղթանսիրոյ, փրկարար և լուսաւոր պապան, յաղթանակը արդարութեան: Երկրորդ ժողովածուի—«Տէմպէստէի» մէջ հաւատարիմ մնալով իր սկզբնական իղէալին, նա երևան է գալիս մարտնչօղի և պաշտպանի դերում հասարակ ժողովրդի հոգեկան և նիւթական շահերի, նա ներկայանում է մեղ—որպէս մարմնացած բոլոր անպաշտպան և ճնշւած աշխատող դասակարգի: Այնուհետև Ադա Նեգրու տաղանդը հետզհետէ աճում, զարգանում է, նրա փառքը տարածւում է աւելի և աւելի հեռուն և Ադա Նեգրու անունը—որպէս ժողովրդական վշտերի, յոյզերի, ձգտումների և հոգսերի երգչուհու անուն—մտնում է հաշակաւոր գրական կորիֆէյների շարքը:

Սակայն, անսպասելի ամենքի համար, Ադա Նեգրին ամուսնանում է, և աւաղ... ոչ թէ իր երգերում փառարանած «Ղլուս բազուկներով և թաւ կրծքով հասարակ բանւորի», այլ մի հարուստ գործարանատէր ինժեների հետ, որից յետոյ առժամանակ սկսում է վայելի խաղաղ և փարթամ կեանքի հրապոյրները: (Այս ամուսնութիւնը շատերը բացատրում են նրանով, թէ իբր Ադա Նեգրին կամեցաւ հարստի կին դառնալով, օգնել իր աչքի առաջ վխտացող աղքատ, թշուառ, օրւայ կարիքը դժարութեամբ հայթայթող դասակարգին):

Այս է ահա, ընդհանուր գծերով վերցրած, Ադա Նեգրու կեանքը, մի կեանք՝ լի պարբերաբար շարունակող ընթացիկ վշտերով և դառնութիւններով, որի տեսութիւնը պիտի գայ լրացնելու նրա երգերում հնչող գաղափարների հիմնական ոգին:

Կարգալով Ադա Նեգրու բանաստեղծութիւնները, մենք տեսնում ենք, որ նրանք շնչում են անկեղծութեամբ և առհասարակ կենդանի պատլերների ճշգրիտ նկարա-

գրութեամբ: Նիւթը՝ ճնշած, տառապեալ, աշխատող դասակարգն է, նրանց վիճակը, նրանց հոգսերը, նրանց թշուառ և աղքատ կեանքի նկարագրութիւնը: Այդ պատկերաւոր նկարագրութիւնների մէջ չկայ ոչ մի կեղծ, արհեստական շեշտ կամ փրուն ու չափազանցրած զգացմունք. նրանց մէջ, ինչպէս կարկաշատս վտակ, ամեն ինչ հնչում է բնականօրէն, ինքաբերաբար, ուր արտացոլում է Չահլի բանաստեղծուհու ջերմ, լուրջ բովանդակալից հոգին, մի հոգի՝ որը չափազանց շատ է տանջելի, չափազանց շատ է տուկացել, քամելով կեանքի մէջ պատահած բոլոր զրկանքների, բոլոր տառապանքների թոյնը և սակայն, որի հետեանքը եղել է այն, որ նա սաղանդաւոր կերպով կարողացել է բանաստեղծօրէն վերարտադրել այն ամենը, որոնք բղրում են անողոք կեանքի անմիջական իրականութիւնից: Մի գիծ, որ գնահատելու է՝ այդ այն է, որ նրա շեշտը, նրա հոգեկան ծալքերի կազմը և երգերի սոգին մնացին անփոփոխ և անդաւաճան նոյն իսկ այն ժամանակ, երբ նա նիւթապէս բոլորովին ապահոված՝ բաղդաւոր էր համարում իրեն ընտանեկան յարկի տակ:

Ադա Նեգրու տաղանդը բոլորովին առնական թափ ու կորով ունի նոյն իսկ այնպիսի հարցերում, երբ այդ վերաբերում է սրտի հոգեբանութեան. նրա մուսան գլխաւորապէս զբաղած է թոյլերի, նեղեալների և հարձածները կեանքի բարօրութեան խնդրով, նրա սրտին մօտիկը, նրա lewit motiw-ը ամբոխն է և աշխատաւոր դասակարգի ցաւերը, խոհերը, ձգտումները և այդ ձգտումների իրագործման գոյափառը. որպէս հարազատ դաւակ տառապեալ ժողովրդի, ապրած նրանց մէջ, համակած իր նմանների վշտերով, նա շատ լաւ է ճանաչում այդ ժողովրդի հոգսերի և կարիքների հոգեբանութիւնը, դրանից

առաջացած թշուառութեան պատճառները, և որպէս այդպիսին նրա բանաստեղծութիւնները կարողալիս մենք մի բոլոր մոռանում ենք, որ յայտնի բանաստեղծուհին միայն իտալիայի տառապած ամբոխի վշտեր ու հոգսերն է երգում, մոռանում ենք անգամ, որ դրանց հեղինակը մի օտարուհի է, և մոռանում ենք, գլխաւորապէս, գիտէք ինչո՞ւ—որովհետեւ այդ զգացմունքների արտայայտութիւնը հանրամարդկային է:

Իրականութիւնից վերցրած նրա պատկերաւոր պօզիւտան լեզուի կողմից ևս հնչում է շատ թոփու և մի առանձին գրաւիչ, փաղաքշող ներդաշնակութեամբ, մանաւանդ երբ խօսում է աղքատութեան, կարիքի և աշխատանքի դադարաւորի մասին: Միւրոյ զգացմունքների արտայայտութեան մէջ ևս նա չափազանց կրքոտ, անզուսպ և բուռն, անդիմադրելի է:

Ադա Նեգրին մինչև 22 տարեկան հասակը ապրել է ծայրայեղ աղքատութեան մէջ, բայց երբէք չէ յուսահատուել, երբէք չէ խոնարել իր վիճակի առաջ, նրա հաւատը՝ թէ դէպի իր անձը և թէ դէպի մօտ ապագայի արդարութեան յաղթանակը առհասարակ, նրան ստիպում էր, որպէս ինքն է ասում իր բանաստեղծութիւններից մէկի մէջ, «հպարտութեամբ և արհամարանքով տանել արտաքին կեանքի պատճառած բոլոր զրկանքները, որոնք սռաջանում էին անձուկ կենցաղից», նա լաւ գիտէր, որ համարեա միշտ այդպէս է լինում բոլոր իսկական տաղանդների վիճակը. նա համոզւած է, որ իր կեանքը լինելու է մի անվերջ շարք վշտի, դառնութեան և տառապանքների, սակայն երբէք չի գիշի, չի խոնարել ոչ մի խարուսիկ հանգամանքի առաջ: Ցանջանքի բացախալով իւր Ադա Նեգրու հասկացողութեամբ նշան է մեռելութեան, բուրժուազական ինքնաբաւականութեան:

Մի տեղ նա ասում է:

«Իմ հնչուն երգը սաւառնում է թշւառ, դալկացած ամբոխի վրայով, որպէս վիրաւոր արծիւ, որը ձգտում է գէպի լեռների սառցարանները». սակայն այդ արծիւը արնաքամ չի լինում, չի մեռնում, այլ ընդհակառակը նրա կոչը հնչում է աւելի յաղթական շեշտով, ներշնչելով թարմութիւն, արիւթիւն և եռանդ այն անձանց մէջ, որոնք արդէն վհատած, կորցրել են այդ յատկութիւնները: Մի այլ տեղ նա փառաբանում է «թաւամաղ երկաթի կուրծքը բանւորի և ջլուտ բազուկները աշխատաւորի», որոնց շնորհիւ ստեղծւում է ժամանակակից կուլտուրան: Նա ողջունում է աշխարհիս բոլոր անկիւններում ապրող, պրօլետարեայ—աշխատող դասակարգը, այդ հսկայ ընտանիքը, որին մի օր վերջապէս պիտի ջերմացնէ այն յաւիտենական արեգակը, որին անւանում է «աստուածային անմահ, պարզ հայեացք»: Մի ուրիշ տեղ էլ իղէալականացնելով աշխատանքի գաղափարը, ասում է՝ «Աշխատեցէք և մի վհատէք, մի ընկճէք երբէք ձեր վիճակի ծանրութիւնից. այդ վիճակի ստեղծողը, լաւ թէ վատ, ինքներդ էք լինելու. պահպանեցէք սրտի մաքրութիւնը և բազուկների ամրութիւնը, եղէք անյողողող և վճռական ձեր ձգտումների մէջ. ներշնչեցէք հաստատ կամքի դօրութիւնով. հաւատացէք և սիրեցէք, որովհետեւ սէրն է հովանաւորելու ձեր ուժերը, մանաւանդ գաւռութեան ժամին»:

Այս եռանդուն և թարմութիւն ներշնչող խօսքերը, ինչպէս այդ նկատում են մի քանի կրիտիկոսներ, բոլորովին հեռու են դասակարգային փոխադարձ առելութեան զգացմունքներ գրգռելուց, ընդհակառակը նրա միշտ եռանդուն, լայնթող ու թարմացնող տաղանդի առաջ մի գերբնական հմայքով խոնարհել է նոյն իսկ բթամիտ, պա-

րարտացած և ինքնանբաւական բուրժուան, որը հետաքրքրութեամբ կարդալով Ադա Նեգրուն, աղբւել է նրա հեղինակաւոր խօսքերի ճշմարտութիւնից: Իր անդրանիկ երգը, որը դժւար է ենթարկւում հայկական տաղաչափութեան, սկսում է այսպէս:

«Յ, կուշտ, մեղկ աշխարհ, աշխարհ բթամիտ ճրութուաների, ապրած ու սնւած կեդո ու տիղմի մէջ, լիքը ճարպալի մեծատուններով և ջահիլ, լպիրշ կօկօտկաներով—այդ սակաւարին թշւառ կանանցով, «որոնք զնում են Աստծոյ տաճար, լոկ նրա համար, «որ այնտեղ տեսնեն ժամադիր եղած սիրականներին. դու «ստոր ու մեղկ, խաբեբայ աշխարհ, ճգնում ես խլել «ինձնից լուսատու վէս իղէալը, այլ վախկոտ ստրուկ, «ուզում ես ջարդել ազատ թեւերս ձգտող ու սովոր ազատ «եթերին. տես, դու օձի պէս փշշում ես, սողում իմ օտնեզրի տակ, իսկ ես թռչում եմ, սաւառնում օդում ազատ «ոգու պէս. դու անմտօրէն օրդ ես մաշում բամբասանքնեզրի ու ստելու մէջ, իսկ ես ապրում եմ և կեանքը երգում, «փառաբանելով կեանքի իմաստը. դու զբաղւած ես քսու, «անամօթ զրպարտութիւնով, մարդկանց խաբելով, իսկ ես «քեզ ատում, արհամարում եմ ու փախչում քեղնից խորին «զգականքով: Երկնակամարից ահա ժպտում է ինձ պօէզիայի «ոսկէ արևը իրա հմայիչ գոյն-գոյն ցնձուղով. մինչ դու «սողում ես ցեխ ու տիղմի մէջ գլուխդ կախած. աչքերս «յառած փայլուն աստղերին ես ընթանում եմ առաջ և «առաջ, անգէն, միայնակ ու մաքառում եմ ճակատագրիս «ղէմ. և քանի որ դու էլ կատաղօրէն հալածում ես ինձ, «այնքան ուժով է կրծքիցս ժայթքում մարգարէական սի- «րոյ պատգամը: Ընթացիւր ուրեմն, կուշտ, թերահաւատ «մեղսալի աշխարհ, մութ, կասկածելի մոլոր ուղիովդ, այդ-

«պէս կղիմես դէպ խաւար ու մահ... Գիղիր ոսկիններ, մեղկ
«հաճողքներդ շոյելու համար. իմ սուր, անողոք շեշտակի
«երգի ծանր հարւածով կապտակահարեմ ես քո երեսդ»:
Այս երգը լինելով անդրանիկը, սրանով էլ սրուչեց Ադա
Նեգրու ոգին, ժանրը և աշխարհասացքը. այս երգն էր որ
գարձաւ հիմք նրա ապագայ գրական գործունէութեան:

Ադա Նեգրու ծնւելու տեղը իսկ որ Խտալիան պիտի
լինէր, մի երկիր, որ յանձին նրա գտաւ իր ժամանակա-
կից իսկական ցաւերի, հոգսերի արտայայտչին՝ իր տառա-
պանքների հարադատ երգչուհուն: Մի հագամանք, որ
բարձրացնում է Ադա Նեգրուն թէ իր հայրենակիցների և
թէ օտարների աչքում մինչև աշխարհահռչակ կոչւելը, այդ
այն է որ նա այն, ինչ, ասելու ունէր, ասաց ժամանակին
և այն էլ շատ տաղանդաւոր կերպով. ամբողջի, աշխատող
դասակարգի վերքերը հասունացել, ցաւերի վշտերի բաժակը
լցւել էր, բայց արտայայտող, բժշկող շունէր և յանձին
Ադա Նեգրու էլ գտնուեցաւ այդ ամենի արտայայտիչը:

2) Եւ այսօր որ ծնւելու օրից Ադա Նեգրին բացի աղ-
քատութիւնից, հալածանքներից և դառն զրկանքներից ոչ
մի մխիթարութիւն չէր տեսել, այնուամենայնիւ նա իր
երգերում միշտ մնաց լաւատես (optimiste) և անուղղելի
իդէալիստ. սկզբում ճիշտ է նրա երգը հնչում է թախծալի,
ախուր, մահաւան քայլերգի պէս, սակայն հետո՛հետէ նա
փոխում է կենսուրախութիւն և արիւթիւն ներշնչող բնու-
թեան հետ ներգաշնակած սքանչելի ակօրդների:

Նրա կարծիքով հեռու չէ այն ապագան, երբ աշ-
խարհը իրենից կներկայացնի ընդհանուր հանրամարդկա-
յին խաղաղութիւն և անպայման արդարութիւն: Չեն լի-
նի եղբայրասպան պատերազմներ, որոնք բանական մար-
դուն հասցնում են անբանանասնական դրութիւնից էլ ասել

ստոր մի դրութեան. կվերանայ աշխարհիս երեսից անգը-
թութիւնը և անտարբերութիւնը անպաշտպան և ճնշած
աշխատող դասակարգի վերաբերմամբ:

Ահա այդ կլինի վաղուց մեզ խոստացած և այսբան
երկար սպասւած մարդկային ընդհանուր բաղաւորութեան
(իդէալը *):

ՅԱԿՈՒՅ ՅԱԿՈՒՅԱՆ

*) Այս քննադատական—կենսազրական տկնարկը կազմելիս
օգտուել ենք՝

- 1) „Русская мысль“ ամսագրի մի քննադատութիւնից:
- 2) А. Н. Е-в-я-ի հրատարակած „Борьба и Любовь“ հրա-
տարակութիւնից Ադա Նեգրու մասին:
- 3) В. Шулятиковъ, Стихотв. Ада Негри գրքոյկից: Այս
վերջին երկու հրատարակութիւններից էլ հենց մենք օգտուել ենք, մեր
թարգմանութիւնները համեմատելով բնագրի հետ մի իտալացի պա-
րոնի աշակցութեամբ:

Ծ. ԹԱՐԳ.

ԱՇԽԱՏԵ՛Ղ ԵՍ ԴՈՒ...

Յափշտակած դու ինձանով, կրքոտ սիրով տոգորւած
Ջերմ համբոյրներ, գրկախառնումն սպասում ես փոխադարձ,
Փափագում ես գուրգուրելու, տիրանալու իմ սրտին,
Կարօտում ես թարմ, կուսական մատաղ սիրոյ թովչանքին:

Բայց ասան ինձ. ծանօթ ես դու վշտերի հետ դարաւոր,
Մաքառե՛լ ես հերոսի պէս վիճակիդ դէմ բռնաւոր,
Եւ որպէս մի վախկոտ սարուկ շէս վհատել նեղ ժամին,
Չես խուսափել հաս՝ վտանգից, որ դո՛հ շտաս դու կեանքին:

Անդուլ գործից առաջացած ցոյց տուր ձեռքիդ կոշտերը,
Ես կիմանամ՝ սիրում կ'ս դու արդեօք ազնիւ աշխատանք,
Ասան գոնէ, տանջւե՛լ ես դու մինչև սրտիդ խորքերը
Չարքաշ, թշւառ մարդկանց համար—և ի՛նչ էքո նպատակ:

Դու լռում ես... հեռու, ուրեմն, իմ ջերմ սիրուց կանացի,
Աշխարհային վայելքներդ, գնան, կրկին նորոգիր.
Սիրի՛ր ընկած, ժպիւրհ կանանց առանց խղճի խայթոցի,
Գծու՛ծ ոսկին ինձ տիրանալ անկարող է, իմացի՛ր:

Օ՛, եթէ ես, երբ և իցէ, քո ձեռքերը տեսնէի
-Քերւած, հիւծւած, արիւնլւայ—այդ վիճակից ինքնագոհ,
Թէ ինձանից, որպէս պարզև, փոխարէն լուռ տանջանքի
Պահանջէիր սէր, փայփայտնք, պահանջէիր անգամ զոհ,

Թէ տեսնէի, որ հեզնանքով դու ատում ես ժանգ ոսկին,
Սուրբ վաստակով ոգևորւած վերադառնում անլ կեանքի,
Տեսնէի քեզ վերածնւած՝ կամենում ես մաքառել
Վիճակիդ դէմ և նոր կեանքի արշալոյսը ողջունել,

Այն ժամանակ ես քեզանով հպարտացած, քաջարի
-Քո զրկանքով, տառապանքով իմ կոյս կուրծքը կայրէի,
Կը ջանայի թեթեացնել վիշտ ու հոգսըդ վիթխարի,
Եւ հողեմաշ զարդիդ համար քեզ իմ կեանքը կտայի:

Քայց դու, մեղսոտ կեանքի դաւակ—հաճույքների սիրահար,
Չես աշխատել, ապրել ես զուր—կեանքը օտար քեզ համար.
Ինչ այնպէս էլ փայփայլած ես, բաղդախնդիր ստահակ.
Կորիւր անարգ... քեզ համար ես պահած ունեմ լուկ զզւանք...

ՀԵԹՆՆՈՍԵԿԱՆ ՀԱՄԻՈՅԻ

Սիրում եմ ես ջլուտ, ուժեղ բազուկները բանորի,
Եւ յազթանգամ վէս հասակը, ալ գոյնը թուխ այտերի,
Չնաշխարհիկ երջանկութեան յոյզ է նա ինձ խոստանում,
Սէրը նրա կրքոտ, անդուսպ հուր-հոտանքի նմանում:

Նա կուրծք ունի—ժայռից ամուր, անմատչելի արտերին,
Իր անաղարտ սրտի համար սիրելի է շատերին.
Չունի ոսկի, բարձր կոչում և ոչ հազին թանգ շորեր,
Ինչն ապա ցանկանում ենք նրան մերը համարել.

Որովհետև այդ թաւ կրծքում անդուսպ կրքով առնական
Սէրն է շնչում, ապրում, յուզում, որպէս վայրի մի գազան.
Նրա գրկում կմոռացւի և՛ բասրանքը խուժանին,
Համեստութիւնն այրւած կրքից շի կարմրիլ այդ ժամին:



Ճ Ա Կ Ա Տ Ա Գ Ի Ր

Սընարիս մօտ լուռ գիշերին յայտնուեց մի չքնաղ կին,
Սրած դաշտյն, շիկնած ածուխ ասես աչքերը լինէին.
— «Դուք մարդիկդ ինձ կնքեցիք «վիշտ, տառապանք» անունով,
Այդպէս են ինձ այժմ կոչում— ասաց կինը ժպտալով:

Ես սարսեցի... — չանգտացիր, խեղճ իմ դաւանկ փոքրոգի,
Այսօրւանից իմն ես միակ, չեմ զիջանիլ ոչ ոքի.
Յեաքէդ կգամ մինչ գերեզման խինդ ու լացդ կիսելու,
— «Ա՛խ, հեռացիր»... բայց չէ ուզում նա աղերսս լսելու:

Եւ կանգնած է արձանի պէս դժբաղդութեան թաղուհին.
— «Բաղդդ այնտեղ երկնքումն է լոկ սահմանւած, թշուառ կի՛ն,
Նոճինների մեռած կոկոն, զրկանքների դու դստրիկ,
Բաղդդ այնտեղ է սահմանւած, շիրմի դալուկ որբ ծաղիկ»:

Ես արթնացայ... — «Ա՛խ, ես կարօտ դեռ իմ ջահիլ հա-
սակում,
Կուզէի որ բաղդը բերէր երջանիկ օր այս կեանքում,
Կուզէի որ կուրծքս ուռչէր ցնորալից յոյգերով,
Ապրէր, շնչէր, սգեորէր ջերմ, կենսուրախ, վառ սիրով...»

Ջեռո՛ւ, հեռո՛ւ դու ինձանից, շիրիմների մենաւոր,
Եւ լսում եմ կրկին հուժկու նրա ձայնը ահաւոր.

— «Նա է փառքի լոկ արժանի,
Որը խոցւած սրտի խորքում բիւր վշտերի սպի ունի,
Յաղթութիւնը մարտի դաշտում տանում է միշտ քաջ զին-
ւորը,
Տառապանքն է որ սրբում է մտքի ազնիւ ճանապարհը»:
— «Կայց, ս՛վ սուեր, էլ մի՛ գնա,
Ինձ ուղեկից մինչ մահ մնա»:

ՈՂՋՈՒՅՆ ՔԵՉ ԳԼՐԻՔ

Չգիտեմ՝ ո՞վ է դռնակս բաղխում...
—Այդ դձև ես եկել, այ դաժան կարիք,
Գերեզմանների բնակչիդ ողջնյն,
Տպարտ իմ հոգուն գալդ է բարիք.
Եւ քեզ ո՞ կմախք, մահւան բօթարեր,
Գիմաւորում եմ ահա անտարրեր:

Բայց ինչո՞ւ լուռ ես, բռնակալ ոգի,
Է՞ր չես շտապում մտնել իմ խրճիթ,
Դէ՛, շնու, թեւերս ջարդիր, անհոգի,
Ցցիր մագիլներդ սրտիս մէջ վճիտ,
Կանգնիր խեղճ մօրս մահճի գլխատակ
Որպէս մահաբեր հոգէառ հրեշտակ:

Դու տատանում ես կմախք այլայլած,
Թէ՛ խնայում ես գարունը կեանքիս.
Օ՛, անհոգ կացիր, չեմ ընկնիլ յաղթւած՝
Կեանքի գոռ մարտում ծաղիկ հասակիս.
Տարեընների մէջ, տանջանքի բովում
Կամբանայ հոգիս, կ'փթթի գարուն:

Իմ մրրկածուկ շարատանջ կրծքում
Սրտի յոյգերը դեռ անհանգչելի,
Երկնից անսահման, անհուն բարձունքում
Մաքիս թռիչքն է անհասանելի.
Որքան էլ նայես խիտ, մույլ դէմքով,
Ես պիտի չնչեմ իմ սիրած կեանքով:

Տեսնում ես դաշտը ծաղկունքով դուզւած՝
Ողջ բնութիւնն է եռում, բորբոքում.
Հսում ես երգը արաւուտի յուզւած՝
Արձագանք տալիս եթեր—բարձունքում.
Ողջը շնչում է վառ յուսոյ արև,
Ողջը թեւ առած ձգտում է վերև:

Օ՛, դաժան կարիք, վհուկ այլանդակ՝
Սև ծածկոցի տակ—քեզնից չեմ սարսում,
Տանջւած, բորբոքած անյաղթ կրծքիս տակ
խեղճ ժողովրդի արիւնն է հոսում.
Նեռնւ ինձանից վախ ու շղթաներ,
Հոգիս ճախրում է դէպի ջինջ եթեր:

Իմ կէտ նպատակ՝ յաղթական, իշխող
Աշխատանքն է վեհ, ցնորքը յուզող,
Յիապքանչ նւագն դիւթիչ երգերի,
Եւ շոյումները գարնան թովչալի,
Մաքուր, անաղարտ, անհուն եթերը,
Ղողը աստղերի, ծաղկանց հիւթերը:

Զբացիր ուրեմն, եղկելի սուեր,
Զքնաղ բնութեան պայծառ ցուքերում.
Կեանքն արթնացաւ, շուրջ մանուշակներ
Տատասկների մէջ ծաղկում են, բուրում,
Գոռ կապանքներդ ահա խորտակեմ,
Որ նորոգ կեանքի գարունը երգեմ:

Գ Փ Բ Ը Ղ Գ Ը

Ողբում է ծովը... և արցունքները այլքով եռուն
Միմեանց ճնշելով ժայռոտ ափերին անքում են հեում.
Եւ կամարը խիստ, յօնքերը կիտած, համալիւծ վշտով,
Կապարեայ ամպերն իրար խառնելով լուռ ու անտարբեր
Մռայլ բարձունքից շեշտում է դէպ ցած հրեղէն շանթեր:

Ողբում է ծովը... և իր վշտալի կրծքին երերուն
Մի ջահիլ, սիրուն դիակ է տանում—ասես օրօրում...
Դիակն է տանում այն դժբաղդ չքնաղ ջրահեղձ կոյսի,
Որը հայցելով անսղոք բաղդից կեանքի փրկութիւն
Գտել էր նրան մութ, կորստաբեր ծովի անդունդում...

Ողբում է ծովը... և նրա անդուսպ հեկեկանքներում
Լսում է հառաչ, արցունք բռնութեան—կրած վշտերու.
Լսում է կեանքի սիրոյ ցնորումն—ջերմ համբոյրների...
Եւ թւում է թէ՛ ժայթքում է բողոք կոյսի ջերմ կրծքից
Եւ անէծք նրան, որը անարգեց իր սէրն անբիծ...

ԿԷՍ ԳԻՇԵՐԻՆ

Յափրած իր բոլորից նիրհում է այգին
Խաղաղ գիշերին,
Սիրահարի պէս գրկել է նրան
Սիրոյ զիցունհին.
Բայց չունի հանգիստ քամու երկիւղից
Այգին քնէառ,
Եւ ծառ ու ծաղկունք ցողում են արցունք
Խաւարում մոայլ:
Չարժում է քամին իր դառն շնչով
Քնաթափ այդուն,
Ծառի ճիւղերը ահա զարթնելով
Յուզում են, տնքում.
Նրանց յուզմունքին երկ'ձայնում են
Մատաղ ծաղիկներ,
Լսում է մէզը—դատապարտում է
Նենդ մարդկանց գործքեր-
Ողբում է մէզը հիւանդոս խղճի,
Նեղեալի համար,
Յուսահատ կուում թառամած, խնդրւած
Իգէալի համար:

Գ Ը Ն Ը Կ Ի Տ Ը Կ

Գիտութեանը ընկաւ բաժին մի չքնաղ մարմին,
Եւ անտարրեր վիրարոյժը սուր դանակ ձեռքին
Կտրաւում է ու յօշոտում մարմինս սիրուն,
Եւ անողոր պատում կուրծքս ու թափում արիւն:

Եւ մատուռը մեռեալներին մոայլ է ու նեղ,
Պառկել կոյսին մենակ ու մերկ ամօթ չէ այնտեղ.
Գիտմուն, նայիր, տես դրոշմը այն տանջանքների,
Որը անջինջ դեռ ապրում է իմ փակ աչքերին:

Նա կասի որ մանուկ օրից բողբոջ հալածւած՝
Փողոցային զաղիր կեանքի ախտերով սնւած՝
Մեծացայ ես գիշերները բաց երկնքի տակ,
Թափառելով որպէս ալիք ազատ համարձակ:

Ճաշակեցի մենակ կեանքի վիշտ ու տառապանք
Եւ յանցաւոր գիշերների թունաւոր հեշտանք,
Օ', հասկացայ օտար մարդկանց ստոր նպատակ,
Կեղծ ու պատիր կարեկցութիւնն սև ղիմակի տակ:

Ու վերջապէս քամած կեանքի դառն բաժակը՝
հիւանդանոց ձգեցին ինձ... Թւում էր, աւանդ,
Գոնէ այստեղ հանգիստ կառնի տանջւած իմ կեանքը,
Իզո՛ւր պատրանք... մահը կորդեց հասակս մատաղ:

Եւ մեռայ ես այստեղ, որպէս Թափառաշըջիկ,
Որպէս պառաւ ու արտաքսւած մի գամիւռ անպէտք.
Օ՛, խորթ բաղդի դու խորթ գաւազ, շրջամտը աղջիկ,
Ձեզաւ մէկը՝ մահը ողբար արցունքով անկեղծ:

Նայիր, գիտուն, այս խուրձ կապած փարթամ մաղերին,
Ձեզաւ մի օր, որ կուտական շքեղ հիւսերին
Մէկն ու մէկը անկեղծ սիրով համբոյր տար, շոյէր,
Սիրոյ անմիտ գիշերներին գրկէր, փայփայէր:

Այժմ թէև անշնչացած, բայց, ճեղքւած կրծքում
Խորագննին հայեածքդ սուր թող գանի խկոյն
Հետքը կրած տառապանքիս, որով շար մարդիկ
Մահան վճիռ ինձ կարգացին մատաղ հասակում:

Եւ պոկելով տանջւած սիրտս անյողողող ձեռքով,
Գիտութիւնը թո՛ղ վերլուծի հոյակապ խելքով,
Թափանցելով խորհրդաւոր գաղտնիքներին մէջ՝
Աշխարհ հանի թող գաղտնիքը վշտերիս անվերջ:

Օ՛, ասն ինձ, գիտէս արդեօք, որ մերկ դիակով
Մինչև այսօր ապրել եմ ես զերթ ոգի շքնաղ.
Չլինի՞ թէ սիրուն դէմքս համր տանջանքով
Յուզի անվերջ ու փոթորկի քո սիրտը խաղաղ:

Եւ ամեն օր յիշեցնի քեզ, որ կեանքս մատաղ
Սառած, անշարժ հայուածքիս մէջ թառամեց շատ վաղ,
Գուցէ յիշես, ինչպէս թոյնը բիւր անէծքների
Դեռ ապրում է ամուր սեղմւած իմ շրթունքներին:

ՀԱՆԳԻՍՑ ՎԵՍՏԱԿԱՆՈՐԻՆ

Մթնեց օրը աշխատանքի, տանջանքի,
Տեղի տալով կախարդուհի գիշերին,
Նա բերում է մոռացումն զրկանքի,
Ստորացման, որ կրել եմ այդ օրին:

Մէն սենեակիս կանթեղը վառ, ես ուրախ
Արդէն հեռու այն դժոխքի աղմուկից,
Որ կոչում է մայրաքաղաք—և խաղաղ
Սուրբ պատկերն է փաղաքշանքով նայում ինձ:

Եւ գիշերը սև քօղ ձգած իր դէմքին՝
հանգստութիւն է ներշնչում ամենքին,
Ծանր հոգսը, տառապանքը մոռացած՝
Եւ նիրհում եմ ցնորքների մէջ սուղած...

Օ', ի՞նչ անգորը հանգստութիւն է ախրել
Յոգնած սրտիս, ի՞նչպէս գոհ եմ վիճակից,
Արքայական պալատի հետ չեմ փոխիլ
Իմ խրճիթը. նա ջերմ է լոյս՝ արեգից:

Այստեղ միայն ճանաչեցի, զգացի
Աշխատանքի, քաղցր կեանքի խորհուրդը,
Այստեղ մարդկանց բռնութիւնը ատեցի.
Օ', թանգ է ինձ տանս ամեն մի զարդը:

Մթնեց օրը աշխատանքի, տանջանքի,
Տեղի տալով կախարդուհի գիշերին,
Նա բերում է մոռացումն զրկանքի,
Ստորացման, որ կրեցի այդ օրին:

Մ Ա Ղ Թ Ա Ն Ք

Սառը նկուղի խոնաւ անկիւնում խօսիլի վրայ
Պառկած է մենակ որբ մանկահասակ հիւանդ մի տղայ.
Տնւր ապաքինում նրա տանջանքին, խնամնդ Աստուած,
Բանւոր մանուկ է նա անօգնական, ողջից մոռացւած:

Հրեշտակի թևով առաքիլը նրան տեսիլք ցնորալից,
Այդպէս փարատւի գոնէ մօտալուտ մահւան տազնապից.
Նա օր չ'տեսաւ... վիճակը խեղճի զրկանք էր անվերջ,
Ե՛տ՛ ու հայհոյանք գործարանային խուլ ժխորի մէջ:

Եւ դժոխային խիստ աշխատանքից ուժասպառ, տարտամ
Որպէս հնձած հասկ օրօրւեց — ընկաւ մերենայի տակ...
Գիտեմ, Արարիչ, առանց սուրբ կամքիդ և մազն անգամ
Զի պակսիլ մարդուց և սակայն որբին մի թող անխնամ:

Սփոփիլը նրա կսկիծն ու լացը... Հրեշտակը մահւան
Թնոյ իր ջերմ սիրով, քաղցր զրոյցով փաղաքշի որբին.
Ե՛ւ կեանքն անհամբոյր կ' քաղցր տանջող նրանից անբաժան
Թնոյ անհետանան խղճուկի մտքից մահւան ըսպէին:

ԹԱՌԱՄԸՆ ՀԱՄԲՈՏԻ

Վաղազարուն թոր ու թացին
Մանուշակը ցօղ բոնեց,
Ցուրտը տեց... արևադուրկ
Մանուշակը թառամեց...

Ե՛ւ իմ երբեմն շրթունքներին
Սիրոյ համբոյրն էր վառւում,
Դու հեռացար, ս՛հ սիրադուրկ
Կեանքս է այժմ թառամում...

Փ Ո Ղ Ո Յ Ի Տ Ղ Ա Ն

Տեսնում եմ յաճախ, ինչպէս մարդաշատ լայն փողոցներով
Թրե է գալիս փողոցի տղան ամբողջ օրերով,
Սոված, կիսամերկ, արհամարհելով իր սև վիճակը,
2է խորշում կեղտից, սչ գողութիւնից մանուկ հասակը:

Ո՛վ գիտէ, գուցէ նրա ծնողներն ընկած են բանտում,
Կամ գործարանում քրտինք թափելով հաց են աշխատում,
Միակ պարապը ինքն է որ կայ—ապրում է ազատ
Փողոցի տղան, որպէս ամբոխի որդին հարազատ:

Քարեր է նետում անցուղարձ անող անասուններին,
Նրանց տանջանքով հրճում է սրտանց մանուկ վայրենին.
Ու մի վայրկեանում սոսկաց իմ հոգին, երբ միտս բերի
Սրա պէս անխնամ մանկանց վիճակը—անթիւ որբերի:

Ես խղճում էի փողոցը նետած, անխնամ մանկանց.
Արդե՞օք, իմանամ, թշուառ մանուկներ, փողոցում ծնած,
Ի՞նչ է սպասում ձեզ ապագայում, որպիսի՞ վիճակ,
Աշխատող մեղմ, թէ՛ բոռ կմնաք, երբ առնէք հասակ:

2արատանջ, հիւժող բուժարաններն են գուցէ ձեզ կանչում,
Կամ տաժանակիր սև աշխատանքը հեռւից սպասում...
Ա՛խ, ինչպէս ցաւում, ինչպէս տանջւում է հոգիս ձեզ համար,
Ա՛յ անտուն, անտէր մանուկ թռչնիկներ, փոքրիկներ կայտառ:

Ես արտասուում եմ, մաշւում եմ անվերջ ձեր դառն վիճակով,
Մօր պէս փայփայել, տաքացնել ուզում ձեզ իմ ջերմ կրծքով.
Ա՛խ, ես էլ ձեզ պէս մանուկ հասակում տարել եմ զրկանք,
Լսել անէծքը անգուժ վիճակի, կրել բիւր տանջանք...

ԱՆԻՒԻ ՏԸԿ

Օ՛, անմեղ տեղից քանի զուր տանջանք
Բերում ես դու մեզ, անողորմ սև կեանք,
2է՛, էլ չկնք տեսնիլ մըխիթարութիւն,
2է՛, չի պակսելու մեզ թշառութիւն:

Տեսայ ես մի օր— թեք աղջկան
Ջարդել էր, կախել արագ մեքենան.
Ասես՝ թէ կսկիծ, խուլ հառաչանքներ,
Եւ արիւնալից սև տեսարաններ

Էին պահանջում մեռած ոգիներ.
Օ՛, երանի թէ իմանաք դ՛ուք էլ,
Քանի տառապանք, վշտե՛ր անհամար
Տանում է մարդը սև հացի համար:

Խեղճ հաշմանդամը այժմ ի՛նչ անի,
Կարիքի հոգսը արդեօք կտանի...
Հարուստը նրան հօ չի մօտ դալու,
Այս կրակ ցաւին լուծումն տալու:

Աղնիւ աղջիկը, ո՛վ Աստած բարի,
էլ սնց աշխատի առանց ձեռների,
Եւ այն մի օտար, անյայտ աշխարհում,
Որը խեղդում է հեկեկանքներում:

Ու պիտի մուրայ... ուրիշ ելք չկայ,
Խեղճ հաշմանդամը անտուն ու անտէր,
Եւ այս վիճակեց այն որբ աղջկան,
Որը ուխտել էր ցմահ աշխատել:

Ս Ի Բ Ո Յ Ա Ն Է Ժ Ք

Դժբաղդութեան դուստր եմ ես. սիրոյ նետը թունալից
 Զի յանդգնի խոցել ինձ.
 Զերմ, խանդավառ սիրոյ շունչը ես կ'իսեղդեմ կրծքիս տակ,
 Որ շտուժեմ նրանից:
 Դժբաղդութեան դուստր եմ ես. և ծնունդը արգանդիս
 Արեան ցօղէ՝ դժբաղդիս...
 Առանց կրակ կայրի նրան, կհալցնի աշերը
 Դեռ լոյս չընկած մանուկիս:
 Դժբաղդութեան դուստր եմ ես. արեան յոյզը հեշտալից
 Սպառնանք է շնչում ինձ...
 Լռիր, սիրտ իմ, սէրը թոյն է ու նախատինք քեզ համար՝
 Վատթար իժի շփումից:
 Դժբաղդութեան դուստր եմ ես. սէրը մաշի խղճուկիս՝
 Աշխատանքի ստրուկիս.
 Եւ թո՛ղ սառչի ջերմ արիւնս առանց սիրոյ, կարկըր
 Թող ջերմանայ իմ կրծքիս:
 Դժբաղդութեան դուստր եմ ես. սէրը կատէ գերեզման,
 Հաւատարիմ չէ նորան,
 Թո՛ղ ուրեմն նեխւի հողում մնացորդը ոյժերիս՝
 Փոթորկալի գարունքիս:

Թ Ի Թ Ե Ղ Ա Գ Ո Ր Ժ Ի Մ Ա Հ Ը

Հսկայ շինութեան բարձր տանիքին
 Վաղ առաւօտից նա աշխատում էր,
 Կարիքն ու հոգսը իր ընտանիքի
 Նրա եռանդը կրկնապատկում էր:

Երկար աշխատեց... և արեգակը
 Մօտ էր կէսօրին՝ ճաշելու ժամին.
 «Չտապիր, ճաշի է ժամանակը»,
 Ասաց նա ուրախ իր հարեանին:

Յանկարծ սայթաքեց բարձր տանիքից,
 Տապալեց գետին ջարդած դիակով,
 Մարդիկ սարսափած այս դժբաղդ դէպքից,
 Կանգնեց—դիտում են ապուշ հայեացքով:

Նորա համակած կեղծ ցաւակցութեամբ,
 Հետաքըրըրւած հոսող արիւնով,
 «Ափսոս» են ասում անամօթութեամբ
 Ու անցնում, դէպքը մոռացման տալով:

Եւ միայն կինը ու քաղցած որդիք
Չեն մոռանալու աշխատատուրին,
Թոյն—ատելութեամբ պիտի անիծեն
Բիրտ ու քարացած խիղճը մարդկային:

ՋՐԸՆԵՂՉ ԿՈՒՍԻՆ

Ալիքներից էլ աւելի սառն է մարդկանց սիրտ,
Ալիքներից՝ որոնց գրկում գտար դու հանգիստ.
Եւ բռնութեամբ առաջւայ պէս լի է այն ուղին,
Ուր կուում է աշխատանքը—ղիմանում ցաւին:

Գծուծ ոսկին հեզնում է դեռ անել կարիքին,
Քանարարում, յագուրդ տալիս իր վայրի կըքին,
Եւ օրէնքը, որ շնչում էր մաքուր, վեհ սիրով,
Անարգւած է ու մոռացած քրքիջ ու ծաղրով:

Դու ուզում ես վերադառնալ նորից այս կեանքին,
Սիրել անվերջ, տոկալ կրկին, փարեւ տանջանքին.
Ինչո՞ւ... միթէ՞ նորա համար, որ լքման ժամին
Փրկութեանդ համար զիմես նորից ալիքին...

Մ Ո Ր Ր Ա Յ Ի Կ Ը

Ոգորմութիւն ես աղերսում դու ինձանից, ս'վ թշւառ,
Ցնցոտիքդ չէ էլ ծածկում մարմինդ մերկ ու նիհար.
Մաշած կուրծքդ բաց է ու մերկ, որպէս ինքը տանջանքը,
Նա իր համը հեծեծանքով վրդովում է իմ կեանքը:

Գոնէ մի կերպ դու ապրում ես—օգնող ձեռք էլ միշտ ունես,
Իսկ կարիքի ծանր ժամին ընկերներդ կօզնեն քեզ,
Մեծատունը կարեկցաբար միշտ բարձրից է քեզ նայում,
Վիրաւորել ստրուկ սգուն ցածութիւն է համարում:

Գու հարուստ ես, այլ ոչ աղքատ, լոկ քեզ այդպէս կերելի,
Ահա ես եմ մուրացիկը՝ կարօտ սիրոյ, համբոյրի...
Գիշեր ցերեկ, սիրոյ ծարաւ, լուռ տանջում եմ ես գաղտնի-
Բայց ոչ... գուցէ համաձայնիմ մեռնել առանց սիրելու,
Քան կորցնեմ հպարտութիւնս ու գամ ինձ սէր մուրալու:

Չ Ա Տ Ե Ր Ի Ց Մ Է Կ Ը

Նա եկաւ մեզ մօտ հեռու մի գիւղից,
Մայրաքաղաքի
Աղմկոտ կեանքը գերազաստիով գիւղի անդորրից.
Եւ ուխտեց լինել սև աշխատանքի, զրկանքի գերին,
Յուսալով այդպէս գոնէ հասնելու իր իրէտլին:

Եւ ինչպէ՞ս տուժեց... նրան դէմ կանգնեց սառն, անտարբեր,
Գոռող, անհամբոյր մայրաքաղաքը և անհիւրասէր,
Սակայն իր մտքում նա ցնորում էր այստեղ հանդիպել
Բարի մարդկերանց ջերմ աջակցութեան և ազնիւ ապրելի:

Բայց ապրել ազնիւ մեծ քաղաքներում մենակ ու անփող,
Առանց կապերի—գիւրիւն չէ շատ էլ. ամեն տեղ ճնշող
Բռնութիւն, տանջանք, ուր պահանջում են անվերջ սողոսկալ
Մեծի ոտքի տակ, մէջքիցը ծալել, խոնարհ գլուխ տալ...

Երկար ժամանակ նա չհանդիպեց սրտացու մարդկանց,
իսկ հետը բերած քանի մի ոսկին հալեցաւ անդարձ...
Աշխատել կուզէ—չկայ աշխատանք, մինչ սև օրերը
Ահա գրկարաց ուղղել են խեղճին իրենց թեկերը...

—«Երանի՛ր գտնեմ գէթ բարի խորհուրդ, կամ մի օգնութիւն»
Ջնշում էր մեղմ թշուառ աղջիկը շըւարւած, նկուն.
«Ուր էլ նայում եմ, մարդիկ հրճուում են փարթամ, լի կեանքով,
իսկ ես միայնակ կանգնած եմ ահա ու մեկնած ձեռքով...»

Կատարե՛ց ուրեմն... և իմ խոհերը տեսնում եմ, աւանդ,
Ընդ միշտ խորտակւած,
Ազահ շիրիմն էլ բերանը բացած,
Գ սուն զրկանքներ հողիս մաշեցին, մաբեցին յոյսեր,
Կարաւ ամեն ինչ... և՛ եռանդ, կորով և՛ բանելու սէր:

Եւ մահն արդէն ցցւած է իմ դէմ լուռ ու անվրդով,
Չընթանամ արդեօք այն սովորական կորստեան ճամպով,
Որով գնում են ինձպէս շատերը... չերթամ վաճառել
Մարմինս չքնաղ ու դառնամ ատուած, թառամած (կամել...*)
—«Ո՛չ... մչ... և ո՛չ...»

Եւ գտան նրան անկողնում մեռած, սառած դիակով,
Արիւնը կրծքին, չորացած ու սև լերդացած վէրքով,
Եկան ծանօթներն լոկ ափսոսացին, կեղծ ցաւակցեցին,
Ու ծաղիկ մի կեանք այսպէս վաղանցուկ թառամեց կրկին...

Նա եկաւ մեղ մօտ հեռու մի գիւղից,
Մայրաքաղաքի

Աղմկոտ կեանքը գերադասելով գիւղի անգոռըրից:
Եւ ուխտեց լինել սև աշխատանքի, զրկանքի գերին
Յուսալով այդպէս գօնէ հասնելու իր իզէալին:
—Եւ հասաւ ահա խեղճը այս օրին...

*) Մշտադալար մի ծաղիկ—փոխարեւրական մտքով՝ անբարոյա-
կան կին:

Յ Ո Յ Ս

Թշառութիւնը թունաւոր խայթով
Սիրտս է շանթում ու վերաւորում,
Բայց հենց որ խելքս կենդանի թափով
Զարթնում է նորից, ուղեղս լարում,

Սլանում է նա, որպէս փոթորիկ,
Դէպի այն ամեն վաստակեալ մարդիկ,
Որոնք յուսահատ, վհատման ժամին
Կեանքի հետ կուել, մաքառել կասին:

Որպէս սէգ արծիւ միտքս թռչում է
Բարձր ամպերից էլ աւել հեռու,
Ուսկից սարսափով մտաբերում է,
Որ վիշաք իրեն էլ չի հասնելու:

Եւ սիրտս նորից առաջւայ նման
Լցւում է յուսոյ վառ գաղափարով,
Որպէս անյատակ ծովը անսահման,
Որ լի է անգին լալ ու գոհարով:

Եւ փայփայանքի նորից նա կարօտ,
Որոնում է կուրծք՝ իրեն ապաստան,
Եւ ողջունելով կեանքի առաւօտ՝
Զգտում է սիրոյ, եղբայրսիրութեան:

Բ Ը Ն Ի Ո Ր Ո Ւ Հ Ի Ն

Մանուկ է թեւը, պըտըտում արագ,
Մինչ ես տասն և ութ հասած գարունքիս՝
Ունիմ հուր աչեր, սէր ու ճախարակ,
Ապրում եմ անհոգ երզը շրթունքիս:

Ու թէ հերարձակ փողոցի միջով
Անցնում եմ մենակ օրը ցերեկով,
Տեսնողը, ասես, սիրուցը գժւած՝
Վաղում է յետքէս զմայլում ինձնով:

Բայց ես ծաղրով եմ լուկ պատասխանում
Նրանց հրապուրիչ, պակշոտ խօսքերին,
«Նրա» համար եմ միայն պահպանում
Գարնան ծաղիկս—սրտիս ընկերին:

Եւ գիտէք ո՞վ է իմ սրտի սիրած՝
Դարբինը հսկայ—իր սալի նման,
Նրա քաջառողջ հասակի զիմաց
Ես երևում եմ մանուկի նման:

Երբ կրակի մօտ երկաթ է ջարդում,
Թափով զարկ տալով մէկ-մէկու հետքից,
Երբ նրա վիզը քրտինքն է պատում,
Ու կրակ ցայտում խոշոր աչքերից,

Այդ ժամ նրանով ես հպարտացած՝
Պատրաստ եմ փարեւի նրա մերկ կրծքին,
Սիրելի անբաժան աշխարհ մոռացած՝
Դարձընել կուռքս, ու փրել սրտին:

Բայց, երբ իմ տանը ժամազիր եղած
Որոշւած ժամից անցնում է վայրկեան,
Որպէ՛ս տանջւում է այդ ժամ իմ հոգին,
Քար լինի ասես ընկած իմ կրծքին:

Յանկարծ լսում եմ դրսից ոտաձայն,
Նա շտապ-շտապ դուռըս է բաղխում,
Վաղում եմ առաջ, յուզւած ու անձայն՝
Դողում են ձեռքերս, սիրտըս բարախում:

Յոգնած բանելուց, մրոտ երեսով
Մանում է դարբինս ժպիտը դէմքին,
Եւ մի վայրկեանում ուժեղ թեւերով
Տեսնում եմ փարեց նա իմ լայն կրծքին...

Այդպէս միացած լսոր հրճանքի մէջ
Զարկում են գոյկիս սրտերը անվերջ...

Արի թուչներ դէպի հսկայ կատարները սարերի
 Եւ թագնւոնք նրանց ձիւնեայ սաւանի մէջ կուսական,
 Եւ թո՛ղ այնտեղ մեր հայեացքը արեգակով զմայլւի,
 Եւ այնտեղից ջերմ համբուրւի ամպերի հետ մշտական:

Ներսւած այս մեղկ մթնոլորդից կբարձրանայ մեր հոգին,
 Եւ մեր անուշ ցնորքները մինչև աստղեր կթուչին.
 Եւ ներգաշնակ երբք սիրոյ այնտեղ էլ չի խանգարւի,
 Կմուսանանք ծանրութիւնը աշխարհային մեր խաչի:

Կթարմանանք վառ, դիւթական երազների աշխարհում,
 Եւ փոխադարձ բուռն սիրով սգեորուած եթերում՝
 Հսկայ, ուժեղ արծիւների թևեր առած, որպէս յուշ,
 Կսլանանք դէպի այն կողմ, ուր ծագում է արշալոյս:

Մինչդեռ այս մեղկ, ստոր վայրում սուրբ երկնքին մենք կարօտ,
 Բարձր սիրոյ, վեհ զգացմանց կմնանք միշտ անծանօթ.
 Ո՛չ. դէպ ձիւնեայ գագաթները եկ միասին սլանանք,
 Կեանքի և մեր սիրոյ ոյժը այնտեղ միայն կիմանանք:

Երբ որ երկիրը նիրհում է խողող, կախարդւած քնով,
 Եւ Արարիչը երկինքն է վառում զոհար աստղերով,
 Երբոր խանդավառ համբոյրը սիրոյ ողջ թևասրւած՝
 Դէպ երկնայինը ձգտելու յուսով ընկնում է սղծւած,
 Գիտեմ ես, աւանդ, որ այդ դիւթական, հանգստեան ժամին
 Սէրն ու վաստակը ցաւով, տագնապով շատ վէրքեր տարին,
 Եւ գիտեմ անշուշտ, որ հրեշտակները կբուժեն խմբով
 Այդ թարմ վէրքերը, իսկ ծաղիկները թախծալի երգով
 Պիտի լանան ջերմ, անուշաբոյր իրենց արցունքով:

* * *

Բայց երբ երկինքը սարսում է, դողում ամպի ճայթիւնից,
 Եւ անտառները ճշում են ահեղ փոթորիկներից,
 Երբ հորիզոնը արիւնի ներկւած՝ հրդեհի նման
 Սիրտ է մթացնում, աչքեր սղտորում հեռւից անսահման,
 Գիտեմ՝ տարերքի այդ խորհրդաւոր ցասման վայրկեանին
 Սէրն ու վաստակը խիստ անարգւեցին, և գիշերային
 Ընչող խաւարը տանջում է նրանց դաժան բանտերում,
 Ապատ, վեհ հոգու և խղճի վրայ կուպիտ բռնանում...

Եւ նորից ճնշած, նետուելով գիրկը յուսահատութեան՝
Մտածումեմ ես՝ կտեսնեմ արդեօք նորից մի անգամ
Ազատ արևը ինձ փայփայելիս, և թւում է թէ
Վերջապէս մի օր փրկարար ոգին բանականութեան
Պիտի վերջ դնի մարդկանց կրկնող հառաչանքներին—
Ընդ միշտ յաւիտեան:

Ն Ո Ր Ս Է Ր

....Եթէ սիրում ես, տուր ինձ քո ձեռքը,
Երթանք միասին փշոտ ուղիով,
Թշուառ ամբոխի արցունքն ու վէրքը
Կրենք մեր սրտում, տանենք երկուսով:

Օ՛, իմ վարդերը քեզ են պատկանում,
Որ սնուցել եմ եմ ծածուկ վայրերում.
Արցունքն է նրանց ջրել գիշերով,
Զգայուն սիրտս ջերմացրել սիրով:

Դէպի թռչերը ուրեմն գնանք,
Նրանց նւիրենք մեր ծաղիկները,
Թո՛ղ մեզ հարազատ, սիրելի դառնան
Այդ թշուառների կացարանները:

Մթին որջերը, խոնաւ հիւղերը
Թո՛ղ մեզ ծառայեն որպէս առք կողինք,
Խեղճ, բաղմաշարշար հալածւածները
Երկուսիս թող մի կաղմին ընտանիք:

Ահա իմ ուխտը յաւիտեանական—
Նրան շայել եմ իմ տանջւած կրծքում.
Ոյժերս մատաղ, սէրս կուսական
Եղբորս նւէր թողնել այս կեանքում:

Դէ, տնւր ինձ ձեռքդ, թեանցուկ շուտով
Գնանք ճանապարհ, մեզ հետ է Աստուած,
Զոյգով տարած խաչն կլինի թեթեւ,
Կերթանք անվրդով, վստահ, սրտաբաց:

Մենք հոգով նման՝ գաղափարակից—
Ահա թէ ինչու ես քեզ սիրեցի.
Տանենք աշխարհիս կ' ցաւ կ' կսկիծ,
Զոհուենք ամբոխին, թնոյ նա գոհ լինի:

Եւ թնոյ որ մեռնինք կլիսաճանապարհ,
Թնոյ թէ սուրբ գործը մնար չաւարտած,
Փոյթ չէ, Ասածոյ մեծ գահի առաջ
Աստղի պէս կմնանք պարզերես կանգնած:

Մեր սէրը վառւած՝ ծաւալ կտտանայ,
Կլուսաւորի ստոր աշխարհը,
Եւ երկրիս վրա օրէնք կգառնայ—
Միրել ու ներել թշուառ եղբորը:

Յ Ա Ղ Թ Ի Ա Ծ Ն Ե Ր Ը

Ահա բիւրաւոր մի շարք խեղճերի,
Նրանց ծայրերը չեն էլ երևում...
Լսում է բողոք տանջւած սրտերի,
Նրանց հոգու մէջ մռայլն է տիրում:

Անցնում են ահա կոր ու մերկացած՝
Հողմերի միջից ծով—գլուխներով.
Նրանց դէմքերը տխուր դալկացած՝
Աչքերը լցւած արտասուքներով:

Եւ աղմկայոյզ, ծովի պէս փրփրած,
Զուրջս պատել են հսկայ օդակով,
Նրանց երեսը կարծես դրոշմած
Լինեն վշտերի անձինջ կնիքով:

Լսում եմ խռպոտ շնչառութիւնը
Եւ հառաչանքը մաշւած սրտերի.
Զուրջս տիրել է թշուառութիւնը,
Անէծք ու լացը հալածւածների:

—«Եկել ենք ահա քեզ մօտ, նաղելի,
Մեր մութը, խոնաւ, սառած ուղեւորից,
Կրելով խաչը ծանր հոգսերի,
Յողնել ենք կեանքի մաքառումներից:

Սովից սախլած՝ ահա իջել ենք,
Սրիկաների թագստեան տեղից.
Ամօթ, նախատինք մենք մոռացել ենք,
Վանելով ահը մեռած սրտերից:

Չանտ որսնեցինք մենք իդէալը,
Ոակայն չգտանք նրա գէթ փայլը,
Սէրն էլ մեր սրտում մեռաւ այդ օրից,
Արդարութիւնը չքացաւ երկրից:

Մենք աշխատանքի դուռը բաղխեցինք
Մեր հայրենիքի ամեն խորշերում,
Չգտանք, չկար ու մենք մնացինք
Յողթւած կարիքի գիշող ճանկերում:

Մինչդեռ ժպտալից հրաշալի փայտով
Ատորղն է փայլում երկնակամարում,
Ու եռանդագին մեզ կտչ անելով,
Սուրբ աշխատանքը նա փառարանում:

Մերենաները մի տեղ աղմկում,
Այլ տեղ սուլիչն է գոռում, դըրդում,
Եւ գործարանի ծխնեւոյգները
Երկինք են ցցել լայն բերանները:

Մինչ գործարանի մութ կամարների
Եւ անիւների խուլ ժխորի մէջ
Մաշում է թոքը աշխատաւորի,
Նրա սև օրին չի հասնում մի վերջ:

Օ՛, ինչպէս ուրախ բաղդաւոր ու կուշա
Ապրում են մարդիկ, խնամնոց Աստուած.
Նրանք ողջ կեանքում չեն սովել անշուշտ,
Նրանք ողջ կեանքում չեն էլ արտասուած:

Ուրեմն մենք ենք աւելորդ ծնւած,
Կեանքի խնջոյքում մեզ բաժին չկայ.
Օ, երանի՛ թէ այս թշուառ, խամրած
Կեանքը ջախջախէր սարի տակ հսկայ:

Մեր շուրջը խաւար, մենք լոյսի կարօտ,
Բաղբի անողոք հարւածների տակ,
Մենք քայքայում ենք ահա անրողոք,
Որպէս սոսկ յողթւած ստրուկների շարք...

ՄԵՐԺԻՆԹՆԵՐԻՆ

Դ՛ռք պատանիներ, թառամած, յոգնած ձեր հայեացքներում
Վառուում է հուրը վառաշոտութեան, բայց ինձ չի այրում,
Թէ սիրէի ձեզ, ամօթ կզգայիք ձեր թոյլ համբոյրից,
Անդուսպ, վառ սէրը և պատժող սուսեր և վահան է ինձ:

Հեռացէք ինձնից, դուք անարժան էք կուսական ծաղկի,
Ձէք կարող սիրել, ոչ պաշտել անկեղծ մաքուր էակի.
Դէ՛հ, պաշտպանեցէք, թէ չէ՛ կանպատենք մեր թոյն խօս-
քերով,
Ձեզ համար մի յոյս, մի աստղ կայ լուկ փայլելիս սիրով:

Անձնավաճառման այդ աստղն է կոյր ու սե վիճակի,
Աստղը բռնութեան, կամ դժբաղդացած կնոջ ամօթի.
Նա ձեզ կսիրի միառժամանակ և փողի համար,
Մինչ որ կարիքը կխղճայ նրան մի օր անպատճառ:

ՁԵՁ, Ո՛Վ ՀԱՆԹԻՆԹ ԲԱՂԳԻ ԶԱՆԿՆԵՐ

Ձեզ, ո՛վ հալածւած բաղդի զաւակներ,
Որ աշխատում էք
Խուլ, աղմկալի կամարների տակ գործարանների,
Որ հառաչում էք մթին շերտերում լեռնահանքերի—
Ձեզ, ո՛վ թշառներ, ողջո՛յն եմ բերում,
Եւ սուրբ վաստակը ձեր փառարանում:

Այնտեղ անտառի դով թաւուաներում,
Ուր թռչուններն են երգում խմբովին,
Ուր ձորակի մէջ առուն է փայլում, աշխոյժ գալարում,
Ուր օրօրում է զեփուռի շնչով կանաչ մրանին—
Այնտեղ պսակւած ծաղկանց փնջերով
Կենսատու արևն եմ փառարանում:

Եւ ո՛վ է կարող զսպել ընթացքը լեռնավտակի,
Ազատ թռիչքը երկինք սլացող ժիր ծիծեռնակի,
Այն ո՛վ է կարող արգելել թափը թռչող սլաքի,
Որ սլանում է դէպի խոր ծովը կապոյտ երկնքի—
Նեախի, թռչունի, վտակի պէս էլ
Երկինք է ձգտում հոգիս անարգել:

Քեզ եմ ես պաշտում, ճ, սուրբ զեղարեւոտ, խորին հաւատով,
 եւ մարտնչում եմ անունիդ համար արիւնոտ սրտով,
 Ազնիւ զգացմանց խանդավառութեամբ անա ձգտում եմ
 Գաղափարների վեհ իրազորման և ես հիւսում եմ
 Փշախառ ծաղկից իմ ազատ երգեր,
 Որ բերեմ թշւառ եղբօրս նւէր:

Յ Ա Ն Կ

	Նրես.
I Աղա Նեղրի Քննադատական տեսութիւն	3
1 Աշխատել ես դու	15
2 Հեթանոսական համբոյր	17
3 Ճակատագիր	20
4 Ողջն քեզ կարիք	23
5 Դժբաղդը	24
6 Կէս գիշերին	25
7 Դանակի տակ	28
8 Հանգիստ վաստակաւորին	30
9 Մաղթանք	31
10 Թառամած համբոյր	32
11 Փողոցի աղան	34
12 Անիւի ասկ	36
13 Սիրոյ անէծք	37
14 Թիթեղազործի մահը	39
15 Ջրահեղձ կոյսին	40
16 Մուրացիկը	41
17 Չատերից մէկը	44
18 Յոյս	46
19 Բանտորուհին	48
20 Մտորմունք	49
21 Քաջալերած բնութիւն	51
22 Նոր սէր	53
23 Յաղթւածները	56
24 Մերժւածներին	56
25 Ձեզ, սվ հալածւած բաղդի զաւակներ	57

Վ Ր Ի Պ Ա Կ Ն Ե Ր

Երես	Էջ	տպւած է	պիտի լինի
15	11	հրատարակութիւնից	զւրջոյկից
23	15	անբիծ	ամբիծ
26	14	հայեածքի	հայեացքի
28	12	և	ևս
51	6	ևմ ևմ	ևմ

<< Ազգային գրադարան



NL0311146

8135

ՀՈՅՍ ԵՆ ՏԵՍԵԼ ԵՒ ՎԱՃԱՌՈՒՄ ԵՆ

Բանաստեղծութիւններ

Յ. ՅԱԿՈԲԵԱՆԻ 30 Կ.



ԳԻՆՆ Է 30 ԿՈՊ.



120/10
ՀԱՅԿԱՅԻՆ ԳՐԱԳՐԱԿԱՆ ԿԵՆՏՐՈՆ
Հրատարակչի Կենտրոն



Ցանկացողները կարող են դիմել՝
Թիֆլիսի և Բագրի—բոլոր գրավաճառներին.
Կամ Թարգմանչին այս հասցեով՝ Тифлисъ, Бебу-
товская ул. домъ № 43. А. Акопяну.